



Austrian  
Development Cooperation



Oak Foundation

Sarajevo, 26. mart 2008.

## Informacija za medije

### ČETVRTA REGIONALNA KONFERENCIJU O SUZBIJANJU TRGOVINE LJUDIMA

„Pravni i socijalni položaj domaćih žrtava trgovine ljudima“

Hotel Hollywood, Ilidža, Bosna i Hercegovina  
Mart 24- 26, 2008

CARE International, u saradnji sa lokalnim partnerskim organizacijama, je organizovao Četvrtu regionalnu konferenciju o suzbijanju trgovine ljudima od 24. do 26. marta 2008. godine u hotelu Hollywood na Ilidži. Učesnici konferencije su bili predstavnici/ce institucija izvršne i sudske vlasti i nevladinih organizacija, koje se bave suzbijanjem trgovanja ljudima iz četiri zemlje regije, Hrvatske, Srbije, Bosne i Hercegovine i Crne Gore.

Cilj Četvrte regionalne konferencije o suzbijanju trgovine ljudima je bio da se sagledaju postojeći pravni okviri i efikasnost referalnih mehanizama za identifikaciju, asistenciju, zaštitu i reintegraciju domaćih žrtava trgovine ljudima iz Bosne i Hercegovine, Hrvatske, Srbije i Crne Gore.

Konferencija je okupila preko stotinu uesnika/ca iz cijele regije.

U toku prvog dana Konferencije, učesnicima/cama su se obratili g-din Samir Rizvo, Državni koordinator za borbu protiv trgovine ljudima i ilegalne imigracije iz Bosne i Hercegovine, g-din Gustavo D'Angelo, Direktor Misije CARE International za regiju sjeverozapadnog Balkan, kao i dr. Gunther Zimmer, Direktor Kancelarije za saradnju i tehnicku saradnju Ambasade Austrije u BiH.

Kroz četiri panela, koji su se dotakli tema: Pravni i socijalni položaj domaćih žrtava trgovine ljudima, programi prepoznavanja, asistencije i zaštite; Iskustva u asistenciji domaćih žrtava trgovine ljudima; Mogućnosti za reintegraciju i resocijalizaciju, kapaciteti NVO-a i uloga državnih institucija socijalnog zbrinjavanja, finansiranje programa reintegracije i osnivanje fonda za žrtve, kao i temu: Zaštita ljudskih prava žrtava / mogućnosti kompenzacije za žrtve trgovine ljudima, učesnicima/cama su se obratili predstavnici/ce ureda/kacijelarija državnih koordinatora za borbu protiv trgovine ljudima Crne Gore, Hrvatske, Srbije i BiH, kao i predstavnici/ce pravosudnih

# CARE International North West Balkans

organa, različitih ministarstava te nevladinih organizacija koje pružaju direktnu podršku žrtvama trgovine ljudima.

Kroz tematsku diskusiju u radnim grupama, učesnici/ce su dali slijedeće prijedloge i zaključke :

## UNAPREĐENJE PRAVNOG OKVIRA

1. Potreba za pokretanjem inicijativa za donošenje/poboljšanje zakonske regulative vezane za pretres i zapljenu imovine počinioca kaznenog djela trgovine ljudima;
2. Potreba za pokretanjem inicijative da se teret dokazivanja u postupku oduzimanja imovine prebaci na počinioca ;
3. Inicijativa da se zahtjev za nadoknadu štete oštećenim strankama pokreće po automatizmu nakon pokrenutog krivičnog postupka ;
4. Izražena potreba kreiranja fonda za obeštećivanje žrtava;
5. Izražena potreba osiguranja besplatne pravne pomoći žrtvama trgovine ljudima, te potreba da se organizacijama koje osiguravaju pravnu pomoć omogući stabilno finansiranje iz državnog budžeta ;
6. Uključivanje nevladinih organizacija u diskusiju vezanu za izradu planova rada i promjenu legislative vezane za pitanja borbe protiv trgovine ljudima ;
7. Pokrenuti inicijativu da žrtve trgovine ljudima dobiju status socijalne kategorije u zakonima socijalne zaštite, kako bi imale pravo na sve beneficije (socijalna, zdravstvena, materijalna i drugi oblici podrške) ;
8. Izražena potreba za stalnom edukaciji i doedukacijom stručnog kadra
9. Izražena potreba za redovnu razmjenu informacija i povezivanju vladinog i nevladinog sektora, kako na nacionalnom tako i da regionalnom nivou, te kontinuiran rad na ovom problemu.

## RAZVOJ PROGRAMA ASISTENCIJE, REINTEGRACIJE I PREVENCIJE

1. Standardizacija podrške i stalna edukacija timova koji pružaju podršku žrtvama trgovine ljudima (multidisciplinarni pristup i timovi)
2. Uspostava baze podataka koja bi unaprijedila rad organa za sprovođenje zakona, pravosuđa i nevladinih organizacija (državni i regionalni nivo)
3. Žrtvama omogućiti potpuno resocijalizaciju/reintegraciju u društvo
4. Razmjena iskustva na državnom i regionalnom nivou za sve učesnike u pružanju podrške žrtvama trgovine ljudima
5. Raditi na prevenciji svih oblika nasilja u zajednici, stalna edukacija javnosti
6. Raditi na podizanju svijesti javnosti o nasilju u zajednici, trgovini ljudima i prostituciji
7. Dosljedno sprovoditi zakone i strožije kažnjavati počinitelje kaznenih djela trgovine ljudima kao oblik preventivne sankcije
8. Stalni rad na unapređenju suradnje, te formaliziranje suradnje kroz adekvatne pravne akte
9. Unaprijediti pravnu regulativu podrške domaćim žrtvama trgovine ljudima
10. Država bi trebala da preuzme veću odgovornost za finansiranje podrške domaćim žrtvama trgovine ljudima.

CARE International u partnerstvu sa organizacijama LARA iz Bijeljine, Žena BiH iz Mostara, Savetovanište protiv nasilja u porodici – sklonište za žrtve trgovine ljudima iz Beograda, Centar za žene žrtve rata „Rosa“ iz Zagreba, Crnogorski ženski lobi iz Podgorice, kao i četiri nacionalne mreže za suzbijanje trgovanja ljudima, od 2006 godine implementira regionalni program borbe protiv trgovine ljudima čiji je cilj prevencija i borba protiv trgovanja ljudima kroz organizovanje multidisciplinarnih timova u lokalnim zajednicama i općinama u kojima je ovaj problem prisutan, jačanje nevladinih organizacija i mreža koje se aktivno bave ovom problematikom i omogućavanje regionalne saradnje i razmjene iskustava na regionalnom nivou i između pojedinih zemalja regije. Program je podržan od Austrijske razvojne agencije, Oak fondacije i Vlade kraljevine Norveške.